

ح نغني

أحمد فؤاد نجم



ح نغني

أحمد فؤاد نجم



mohamed khatab

فهرس

الرسالة رقم ١	٣
من معتقل طرة.....	٣
السندباد	٦
هلال العيد	٨
ح نَعْنَى	١٠
بهية.....	١٢
دور يا كلام	١٤
سلام للأرض.....	١٦
انا رحت القلعة	١٨
على الأرغول.....	٢٠
ضليلة فوق راس الشهيد	٢٣
على بابك يا ست	٢٧
الشربة العجيبة	٢٩
القواد الفصيح	٣٤
الخط دا خطي	٣٦
متشور وطني علني رقم ١	٣٨
حالة.....	٤١
أو أه.....	٤٢
في المعتقل.....	٤٤
بيان هام	٤٦
نواره.....	٥٣
محلا القصايد	٥٩

الرسالة رقم ١

من معتقل طرة

كل ما تهل البشاير
من يناير كل عام
يدخل النور الزنازن
يطرد الخوف (١)
و الظلام
يا نسيم السجن ميل
ع التعب وارمي السلام
زهر النوار
و عشش في الزنازين الحمام

من سكون السجن
صوتي
نبض قلبي
من تابوتي
بيقولوك يا حبيبي
كلمتي
من بطن حوتي
سلمي لي ع الحبيب
يا حبيبي
سلمي لي
كل حب
وله نصيبه من سلامي
بلغني لي
احضني العالم عشاني

(١) دأب السادات على ما أسماه بالضربات الوقائية ضد الوطنيين المصريين فكانت أجهزة أمنه توجه ضربات شاملة لكل القوى الوطنية مع حلول أول كل عام حيث لا يظل خارج أسوار المعتقلات سوى الكوادر التي لا خطر منها.

بين عيونك
وابعتي لي
نظره
منها أشوف حبايبي
واشفي قلبي
واسأليلي
كل عالم في بلدنا
كل برج وكل مادنه
كل صاحب من صاحبنا
كل عيّل من ولاننا
حد فيهم شاف علامة
من علامات القيامة
قبل ما تهل البشاير
يوم تمتناشر يناير
لما قامت مصر قومه
بعد ما ظنوها
نومه
تلعن الجوع و المذلة
والمظالم
والحكومة؟

سلمي لي ع الولاد السمر
خضرُ العمر
في عموم الحواري
سلمي لي ع البنات
المخطوبين في المهد
لسرير الجواري
واسأليلي بالعتاب
كل قاري في الكتاب
حد فيهم
كان يصنق
بعد جهل
ويعد موت
إن حس الشعب يسبق

أي فكر
و أي صوت
هي دي مصر العظيمة
يا حبيبتي
هي مصر
اللي فضلتني ف هواها
عشنا
على ألف قصر
هي دي يا عزة
مصر

معتقل طره يناير ١٩٧٧

السندباد

حكيم عليم
مخلص جسور
طائر على جناح العصور
داير
كما يدور الدولاب
ورا التاريخ
من الجذور
يطلع جبال
يقطع شعاب
يغوص في أغوار البحور
ينبش بعينه في الكتاب
يقرا الشواهد
ع القبور
ولما عاد
السندباد
رامي السلام
وقال كلام
وأسمع كلامه وحطه
تلقاه بسيط من أوله
تعمل حويط وتأوله
تطلع غشيم
قال الحكيم
العمر ماشي
وكل ماشي وله مداه
له بدايته ومنتهاه
العشب هو الباقي الحي
هو اللي كان
هو اللي جي
طوفان شديد
لكن رشيد
يقدر يعيد

صنع الحياة
و الشعب لما يقول
يا أصحاب العقول
نسمع
ونوعى
ونحترم
صوت الإله

هلال العيد

في نورك يا هلال العيد
بطير بينا سفين عوام
على الأحلام يودينا
نمد جسور
نعدي بحور مغطية
في مركب نور
عليه الحور مراكبية
قلوعه من نسيج الشوق
يهب الريح
ياخذها لفوق
و دفه من امانينا
بغير ملاح
تغوط في الغريق بينا
عشان نرتاح
نلاقي الموجه لجاهه
و لا نرتاح ولا حاجة
نعود بالحيرة و نعدي
بحور بالحزن مواجه
و ييجي العيد
هلاله جديد
بلاقي الناس حزين و سعيد
حسب شوقه يجود و يزيد
و يحرم ناس على كيفه
بولع للسعيد شمعه
و يرمي البسمة و الدمعه
حسب شوقه
و على كيفه
و نورك يا هلال العيد

بطير بينا سفين عوام
على الأحلام يودينا

1969م

حَ نَغْنِي

حَ نَغْنِي وَدَائِمَا
حَ نَغْنِي
وَنَبْشُرُ بِالْخَيْرِ وَنَمْنِي
وَنَلْفُ الدُّنْيَا الدَّوَارَهِ
عَلَى صَوْتِ النِّعْمَةِ الْهَدَارِهِ
وَمَعَانَا الْمَشْرُطُ وَالْبَلَسْمُ
وَفِي الْكَلِمَةِ الصَّحِيَّةِ النَّوَارِهِ
هُوَ أَحْنَا كَدَه
وَحَنْبَقِي كَدَه
مَاشِيِينَ
عَارِفِينَ
مَعَ مِينَ عَلَى مِينَ
دَائِمَا وَاضْحِينَ
مَشْ بَيْنَ دَا وَدَا
هُوَ أَحْنَا كَدَه
وَحَنْبَقِي كَدَه

الْشَّارِعَ بَيْتَنَا وَغَنَوْتَنَا
وَالشَّارِعَ أَعْظَمَهَا مَغْنِي
مِنْ لَحْنِ الشَّارِعِ كَلَمَتَنَا
عَلَى لَحْنِ الشَّارِعِ
بِنَغْنِي
وَإِنْ جَعْنَا شَبْعَنَا
بِنَقْضِي
مَا نَبْعَشُ الْكَلِمَةَ بِمَيِّتِ فَضْهِ
وَالصَّوْتِ الشَّائِلِ غَنَوْتِكَ
بِتَرَابِ الشَّارِعِ مَتَحْنِي
هُوَ أَحْنَا كَدَه
وَحَنْبَقِي كَدَه
مَاشِيِينَ عَارِفِينَ مَعَ مِينَ

علی مین

دایما واضحین مش بین دا ودا

القاهرة / ١٩٧٤

بهية

يسبق كلامنا سلامنا بطوف ع السامعين معنا
عصفور محنق يزقزق كلام موزون و له معنى
عن الارض سمرا و قمرا
و ضفه و نهر و مراكب
و رفاق مسيرة عسيرة
و صورة حشد
و مواكب
ف عيون صبية بهية
عليها الكلمة و المعنى

مصر يا امة يا بهية
يام طرحة و جلاية
الزمن شاب و انتي شابة
هو رايح و انتي جاية
جايه فوق الصعب ماشية
فات عليكى ليل و مية
و احتمالك هو هو
و ابتسامتك هي هي
تضحكي للصبح يصبح
بعد ليلة و مغربية
تطلع الشمس تلاقى
معجبانة و صبية
يا بهية

الليل جزاير جزاير
بمد البحر بفنيتها
و الفجر شعلة ح تعلا و عمر الموج ما يطويها
و الشط باين مداين
عليها الشمس طوافة
ايدك في ايدنا

ساعدنا

دي مهما الموجة تتعافى

بالعزم ساعة جماعة

و بالأصاف نخطيها

مصر يا أمة يا سفينة

مهما كان البحر عاتي

فلاحينيك ملاحينيك

يزعقوا للريح يواتي

اللي ع الدفة صنايعي

و اللي ع المجداف زناتي

و اللي فوق الصاري كاتب

كل ماضي و كل آتي

عقدتين و التالته ثابتة

تركبي الموجة العفية

توصلني بر السلامة

معجبانية و صبية.. يا بهية

و يعود كلامنا في سلامنا يطوف ع الصحبة حلواني

عصفور محني يغني

على الأقراح ومن ثاني

يرمي الغناوي نقاوي

تبوس الأرض

تتحنى

تفرح

و تطرح

و تسرح

و ترجع ثاني تتغنى

اللي بنى مصر كان في الأصل حلواني

1969م

دور يا كلام

دور يا كلام على كيفك دور
خلي بلدنا
تعم في النور
إرمي الكلمة في بطن الضلمه
تحبل سلمى
وتولد نور
يكشف عينا
ويلهنا
لسعة ف لسعه
نهب نثور
دور يا كلام
على كيفك دور

عم إمام
عنده كلام
و مسح في بلاد الناس
من شوق نوله
يغزل قوله
ويغني مرفوع الراس
بلدي يا نبع النور سلسال
يهدى الفكره
للأجيال
بلدي يا لقمة عيش
يا حلال
ع الأكاله
و ع الأكال
يام النيل
سابل مواويل
كل مغني وله موال
وانا أرغولي لما يمول

سوى في الآخر
سوى في الأول
مش ح يغني إلا يا مصر
يا ركوبة ركاب النصر
سرقوكي سكان القصر
والضابط
عبد المأمور
دور يا كلام
على كيفك دور

القاهرة / ١٩٦٩

سلام للأرض

سلام يا أرضنا
يا غيطان الفلاحين
يا ورشه الصنابعي
يا بحور الصيادين
يا مدرسه يا جامعه
سلام والدنيا سامعه
يا دشمة يا خنادق
يا مدفع يا بنادق
واقفين والعزم صادق
تردوا المعتدين
ع الحق والسلام
سلام سلام سلام
سلام يا إدين قويه
خشنين وعرقانين
يناموا المغريه
ويقوموا مبدين
ويخضروا الجنان
ويطيروا الحمام
ويعمروا المداين
ويضيعوا فى الزحام
سلام يحمي الحياه
وصناع الحياه
ويزيد الانتباه
فى الناس الطيبين
للحق والسلام
سلام سلام سلام
سلام يا أرضينا
يا جنات الزيتون
يا اغلى عندنا
من حبات العيون

سلام نحميه بروجنا
ونصونه فى القلوب
ونداوي بيه جروحنا
احنا
وكل الشعوب
سلام يطرح امانى
ويزوق الاغانى
ويروق الاتانى
ويسقى العطشانيين
للعدل والسلام
سلام سلام سلام

معتقل القناطر / ١٩٧٠

انا رحت القلعة

انا رحت القلعة و شفت ياسين
حواليه العسكر و الزنازين
و الشوم و اليوم
و كلاب الروم
يا خسارة يا أزهار البساتين
عيطي يا بهية على القوانين

انا شفت شباب الجامعة الزين
احمد و بهاء
و الكردي و زين
حارمينهم حتى الشوف بالعين
و ف عز الضهر مغميين
عيطي يا بهية على القوانين

و قابلت سهام
في كلام إنسان
منقوش و مأثر في الجدران
عن مصر و عن عمال حلوان
مطالبهم العهد المعتقلين
عيطي يا بهية على القوانين
و قابلت هناك
منذر و زياد
و قابلت كمان عزت و جواد
أربع أبطال
شنقوا الجلاد

"النل" يهوذا الفدائيين
زغرطي يا بلدنا لدول مساجين
و اسمعي يا بلدنا خلاصة القول
و بقولك أهه و أنا قد القول
مش ممكن كده حيحول الحول

على كده و الناس يفضلو ساكتين

خليكوا فاكرين

خليكوا شاهدين

انا رحى القلعة و شفت ياسين

على الأرغول

الأولة آه

والثانية آه

والثالثة آه

الأوله آه

و الغدر لمن حكم

صبح الأمان بقشيش

والثانيه آه

و الندل لما احتكم

يقدر ولا يعفیش

والثالثة

آه

و الحر مهما انحكم

للندل ما يوطيش

الأوله غريتي

والثانيه بلوتي

والثالثة كلمتي

أرغول يا أرغول

يا أبو النغم موصول

شطره تجيب شطره

و الشطره غنيوه

منظومه وحليوه

و السامعين أدرى

والسامعين أشتات

زي النغم مقامات

قسّم وغني وهات

واملا المكان خضره

بالفن والقدرة

و الأوله آه

والثانيه آه

و الثالثة آه

يا عم يا قوال

يا أبو الحرير موال

كيفك

و كيف الحال

اغزل و سمعنا

واشطح مع النغمات

ودوس على المقامات

هات اللي عندك هات

لمن تشبعنا

دا حنا الحيارى دليل

مستظرين مواويل

توصل مع المراسيل

و الصهيه تجمعنا

صهيتنا صباحي

طول ما الألم صاحي

يا شوقي يا جراحي

يا صحتي في الهم

يا شركتي في الدم

عزوتنا

لو نتلم

و نغني للفقرا

أخضر خضر ضر مال

للعشق و الموال

وكان أصيل الخال

لكن فقير الحال

شد الرجال في الحال

جاب البلاد رجال

ينزف على الأرغول

دم الصبا سلسال

أخضر خضر ضر مر

على كل بحر وير

داق الشتا في الحر

و العشق له أهوال
رجع صحننا حزين
يقعد مع المساكين
ويغني للعاشقين
و يقسم الموال
يا ليلي آه يا عين
يا عم يا جمال
ترعى حمالك وبين
و أنت فقير الحال
يا ليلي آه يا عين
يا عم يا جمال
و الصبر مهما طال
ما حينفتلشي حبال
إذا لم قلوب وإدين
يتمدوا ع الشطين
ويعمروا العيارين
ويطخوا راس المال
والأوله آه
و الثانيه آه
و الثالثه آه

القاهرة/ ١٩٧٤

ضليلة فوق راس الشهيد

خبر
بالنكته لوجيا
والحداقة
والتكنولوجيا
والتاريخ
هجم الزناتي ع الخواجه
ولبسه العمه بصاروخ
"جود " عليه
" باد " مائير
كل عام فانتوم بخبر
(وكالات الأنباء والصحفيين
٦ أكتوبر ١٩٧٣)

(تعليق)
قبل البدا
يا سامعين
أبعت سلامي للميدان
وافهم كلامي واسمعين
واوزن
ودقق في الميزان
تعرف مرامي يا اسمعائين
من دون فلاسفه وترجمان
أصل الحكا
يا سامعين
مش ناقصه لف
وللفان

كان وقت نكسه
يا اسماعين
و البر غاطس

في الهوان
والدم سايح أجمعين
والأمر عرقان للودان
والأرض رايحه
ولا معين
والعفشه نافشه
والغيلان
سائين سنانهم
طامعين
يا كلوا السواكن بالمكان
والناس حبارى يا اسماعين
بين مين وفين وليه وكان

إذا هذا يحصل يا اسماعين
طلعوا الفلاسفه البغبغان
ناقلين كلام
بملا كلام
عن حد سيف الأمريكان
إلياذه بالشعر المهول
وهول وهيل وهيلمآن
خلونا شبنأ يا اسماعين
وكبرنا من قبل الأوان

طُوبُوا الفلاسفه في الغلط
لما الزلط قدح الزناد
نفر العناد عرق الغضب
واقزح يا واد
واضرب يا واد
قزحت صعايده وفلاحين
بحر الكنال ف شمال يمين
وانبيني عقلك يا اسماعين
واضغط بقلبك ع الزناد
واجمد يا واد واضرب يا واد
قزحوا الولاد

قزحت قلوب الناس وراهم
اسم النبي
يحرس خطاهم
من خطاهم
رثوا الخواجه البربري
علقه معلم عبقرى
وارتد جيش الفتري
وعيانا نار
تلحس قفاهم
اسم النبي يحرس خطاهم من خطاهم

يا مصر جيشك م الصعيد
وم البحاروه
ومن رشيد
شبان هلايله وطيبين
فيما الحنين والعنيد
نعشق
ولا عشق الحمام
للؤلؤ والعش السعيد
ونجود
كما جاد الغمام
باللقمه
والتوب الجديد
ندي بمزاجنا كل شيء
لأي شيء
ما دام نريد
لكن عدوك يا اسمعين
لو سخنت النار ع الحديد
والظلم خوم ع العباد
سوى من قريب
أو بعيد
حام الحليم
يصبح جحيم
والدم يتسمم صديد

نرمي الغضب
رمي الحطب ع النار
تقوم النار
تقيد
واحنا الرجائل يا اسماعين
في الشده
والوقت الشديد
نصول نجول راكبين خيول
راكبه السيول
فوق الجليد
تكسح ضباب الليل
يزول
ننطح جبال الخوف تميد
نطوى السراب طي الكتاب
ونقابل الصبح البعيد
نرجع
نلاقي الدنيا نور
يا مصر
والإنسان جديد
ننشي المداين والكفور
في جو نور
ويكل إيد
ونجيب حليب العندليب
في المهدي
للطفل الوليد
ضليله
ونشجرُ التين و الزيتون
فوق رأس الشهيد

٦ أكتوبر ١٩٧٣

على بابك يا ست

على بابك يا ست
نزل الوليد ع الباب
كما اللوز مقشّر
مكّضم
يواوأ
ياؤأ
يبلضم بيؤأ
يشلت برجله
يشوّح بإيده
يططب على أمه
يخرش في سيده
يزاحم
و يندب وسط الزحام
ويبعد
عن الصولجان و المقام
يمشي سنه
يرجع هنا
يزحف سهول وجبال
يفضل كده جوّال
يسوّح يغرب
ويرجع يقرب
يسيبك بقهره
يا ستي يا طهره
بجيبك يا زهره
على ظهر مهره
عفيه وأصيله
وعيون كحيله
وغرّه وهلال
ولابس عقال
وندرن عليّ يا ستي الرئيسه

لو المهرة تسبق
واجيب الرهان
لابخر مقامك
واجيب لك عروسه
وأسمي العروسه
حلاوة زمان

مدد يا ام هاشم ونظرة وصال
لعاشق
مالوش في العواشق مثال
محسوب ولد محسوب
للست والأحباب
واكمنه كان مكتوب
داخل الوليد كتاب
يتعلم المكتوب
و يعلم الأصحاب
على بابك يا ست

القاهرة / ١٩٧٢

الشربة العجيبة

البلى بم بم
والبلى باه
قال لك ايه
قال لك اه
شربه عجيبه
من تركيبه
بلدي
يا بلد البلى بلى باه
قال لك ايه
قال لك اه
شوف يا موطن
شوف يا امير
واسيق شوفك بالتفكير
ناس بيقولوا السر ف بير
ادى البير
وادي غطاءه
والبلى بم بم
والبلى باه
قال لك ايه
قال لك اه
قال لك
اكل الفول بيقوت
قال بيقوت
قال لك
حشو المعده يموت
قال لك
صهين
قال لك فوت
كل دا كذب
الناس كا شفاء

زى ما كشفوا
البلى بلى باه
قال لك ايه
قال لك اه
أي مواطن يا ولداه
زاده الفول
لازم تلقاه
عندهالبنكرياس
بطلال
والامساق
فوق الاسهال
عنده الرهقة
عنده الدوخة
عنده انيميا
عنده عيال
قال لك
ثم الجهل مصيبه
مولف ويا العيا
تركيبه
تشرب منها
تعطش تانى
تشرب
تعطش
تشرب تاني
تعطش تشرب
خمسه ف ستة
ميه نار
لو طالت جته
لازم تلحس
اثمن حته
يعني المخ يا خلق الله
ادي البير
وادي غطاءه
والبلي بم بم

والبللي باه
قال لك ايه
قال لك اه
قال لك تصير ع المكتوب
زي ما صبر النبي ايوب
يعني
تسلم للميكروب
يا خد رزقه
بفضل الله
يفضل ينحل ويرك لما
تتفر قط من وسط اللمه
خايخ نخب السوس في عضاك
خلا قوايمك
ما هي شايلاك
وبيعالجوك الناس بالصبر
مع انك عيان بالصبر
قومك صبر
ونومك صبر
لحد القبر يا حول الله
وحياتك من الدار للنار
تتولف عند العطار
يسقيك الحكمة ف اشعار
ويركب م الصبر دواه
وتقرب
والداء عمال
ف عضام الابعد نحال
وتخلف للبوؤس عيال
وبهيه صبيه يا ولداه
ادي البير
وادي غطاه
والبللي بم بم
والبللي باه
قال لك ايه
قال لك اه

بعد الكشف بميكروسكوب

شفنا التوب

وما تحت التوب

تشكيله امراض عشناها

واليكم فى الاتي

دواها

وصفه عجيبه من تركيبه

بلدى

يا بلدى البلى بلى باه

قال لك ايه

قال لك اه

وجع الراس ح نعالجه بايه

قال لك تدى الناس القوت

قال لك طب والجهل يا بيه

قال لك سيب الكلمه تقوت

طب والكلمه تقوت ازاي

قال لك لما الضلمه تموت

طب والضلمه تموت ازاي

قال لك لازم بالبنوت

والنبوت حنجبيه منين

قال لك لما نهز التوت

قال لك قدر خفنا نهز

قالك

نشرب صبغة يوت

ح تطهر ايوب من صبره

وتفجر كيد المكبوت

وتفوق يونس من نومته

ويقلص

من بطن الحوت

ادي البير

وادي غطاء

وادي وجعنا

وادي دواه

والبلي بم بم

والبلي باه
قال لك ايه
قال لك اه

القاهره / ١٩٨٦

القواد الفصيح

سلمي يا عزيزة على الأستاذ
فنان اليوم
والمستقبل
محمود محمود محمود الباز
بنتي السنيورة القمورة
على فكره
بترقص ممتاز
ارقصي يا عزيزة متتكسفيش
محمود بقي منا خلاص ولا فيش
يا عزيزه النيزه كوا نيزه
كان ممكن
تطلعي مركيزة
تكي تم تكي تم تكي تم
تم تم
الرقص النقص يزيع الهم
تكي تم تكي تم تكي تم
تم تم
ويمشي الحال
ويجري الدم
تكي تم تكي تم تكي تم
تم تم
على فكره يا كابتن محمود
وبرغم الكبت الموجود
أنا راجل ثوري متحرر
وعزيزه بتلعب على العود
العبي يا عزيزه متتكسفيش
ويخلي القعدة شهيه
يا عم
ترالم ترالم ترالم
لم لم

أنا رأيي يا سيد محمود
وبرغم الصمت المقصود
إنك فنان المستقبل
ونشيد العصر المنشود
قربي يا عزيزة من الأستاذ
محمود ما بقاش محمود الباز
محمود بقي منا خلاص
ولا فيش
يا عزيزه النيزه كوا النيزه
كان لازم تطلعي مركيزه
ترالم ترالم ترالم
لم لم
العود النود
بيزيج الهم
ترالم ترالم ترالم
لم لم
محمود بقي منا خلاص ولا فيش
قربي يا عزيزة ما تتاخريش
يا عزيزة النيزه كوا النيزه
أنا رأيي إنك مركيزه
هاللم هاللم هاللم لم لم لم
محمود النود بقي نازل هم
هاللم
هاللم
هاللم لم لم
وعزيزه النيزه
تحب الهم
هاللم
هاللم
هاللم لم لم

سجن الاستئناف / ١٩٧٣

الخط دا خطي

الخط دا خطي
والكلمة دي
ليا
غطى الورق غطي
بالدمع يا عنية
شط الزيتون شطي
والارض عربية
نسايمها انفاسي
وترابها من ناسي
وان رحت انا ناسي
ما تتسانيش هي
والخط دا خطي
والكلمة دي ليا
لاكتب على عيني
بحرم عليكى النوم
واحبس ضيا عيني
بدموعى طول اليوم
قبل الوفا بديني
زي الصلا والصوم
والدين فى عرف الحر
هم ومثلة ومر
وشجون تصون وتجبر
احزان مخيبة
والخط دي خطي
والكلمة دي ليا
لاكتب على كفي
والحبر من دمي
ياهمتي كفي
يا عزوتي ضمي
اول ما ح نوفي

بالوعد

ح نسمي

باسم اللّٰى ماتوا صغار

فى المدرسه والدار

والمصنع اللّٰى انهار

فوق الصنايعية

والخط دا خطي

والكلمة دى ليا

منشور وطني علني رقم ١

أيها المواطنون
أيها المواطنات
مصر من طول السكات
بتناديكم
تسمعون ؟
عطروني بالبارود
كحلوني باللمون
عايز اغمض
أو أفتح
يرجع الشوف للعيون
والقى سينا جوا حضني
والجناين والزتون
يا حبايبي
يا جنودي
ما عساكم تفعلون
يحكي من أمثال زمان
كل وقت وله أذان
يا بهيه وخبرينا
يعني إيه
معني الأذان ؟
لما نصحى فى الصباح
والخلاق مجروحين
تبقى حي على الكفاح
والسلاح يا مظلومين
واما نصحى بالسلام
والخلاق مرتاحين
تبقى حي ع الكلام
والمناقشه يا أفلاطين

أيها المواطنين
مصرنا
ست البنات
عايزه منك
تروقوها
وإنتو أهل المكرمات
عايزه عقد النصر وردي
والخلق بالدلايات
عايزه طرحه وعايزه فرحه
وعايزه ساعه م الساعات
تعجنوا الحنه السويسي
من زتون البيارات
ما عساكن فاعلات
أيها المواطنين ؟
يا حياة الشعب يا
مصريا
نور العيون
الحياه والممات
والمشائق والسجون
والكلام والآلام
والساتر
والقانون
والعساكر
والساكر
كله فى حبك يهون
ليس فينا من جبان
ليس فينا بحزنون
فينا طيبه
زرع طيبه
بس آه لو تعلمون
لو يفيض الصبر بينا
تطفح النار م الأتون
لو يغطي الصعب سينا
والعبور

بصبح جنون
نرمي يا مصر العزيزه
جسمنا فوق المنون
وانتي يا مصر الحبيبه
عندنا جوا العيون
واحننا يا مصر الجميله حبنا
فوق الظنون
القاهرة / أكتوبر ١٩٧٣

حالة

ما بيعملش حاجه
وما عندوش كلام
صرصار القهاوي
هربان م الزحام
غيبان عن وجوده
بصحي
صرصارنا الهمام
عشان ينام
ياكل مورتيلا
ويقرب سخام
ويقول لك
دا موقف
وبيبع لك الكلام
فالعالم في رأيه
منحوت من رخام
و الربيع مزيف
والنجوم .. ركام
و الأمل خديعه
و العمل حرام
طب إيه القضية
يا أستاذ حمام
و الحلو في رأيك
يعمل نفسه نام
وتدور تلاقى
شرقه زي غربه
كله مش تمام
يائس من حياته
من صدمة غرام
حاجه تقرف

القاهرة/ ١٩٧٩

أو أه المجنون أبو برقوقه
غيره ويراني و ملزوقه
نصاب
و منافق
ودماغه
مليانه مناطق مويوه
و النكته كمان أنه حنجي
و عامل لي فكاكه
و حندوق
مع إن الجحش
أفهم منه
و العالم
فاهمه ومفلوقه
بسلامته بيسرح قال بينا
يعني احنا مواشي
يا زقزوقه
داحنا العريفة الحريفه
غيرش الأيام المدعوقه
شفت الولادات الشليه
ليلة التحرير يا اسطي فاروقه
أهو دولا ولادنا وأكبادنا
وقلوبنا عليهم مشقوقه
يا سلام يا صلاة النبي أحسن
على جيل العلم يا مرزوقه
حلوين
و حياتك يا بلدنا
يا أم الخيرات المسروقه
إحنا اللي رمينا البنرايه
ورويننا الأرض المعزوقه
و حنحصد بكره و حنغني

و عيون الخاين مخزوقه

معتقل القلعة / ١٩٧٣

في المعتقل

في المعتقل يا سلام سلم
موت وأتالم
لكن لمين راح تتظلم
والكل كلاب
كلاب حراسه
وكلاب صيد
واقفين بالقييد
يكتفوا عنتر وأبوزيد
ويهينوا دياب
الكلب فيهم لايميز
ولا تمييز
عن الغوريلا
ومطير
وبضفر وناب
ومدريته يدق الكعب
فوق راس الشعب
يزرع ف قلبه الخوف
والرعب
من غير أسباب
غير أن شله حراميه
وشمحطيه
عاشين في مصر عواطليه
وبياكلوا كباب
عايزين يعيشوا
عرض وطول
على كده على طول
وأن حد بلضم
سيدنا يقول جريه ياكلاب
ع المعتقل
يرموه في الضيق

ما يلاقي صديق
وإداره
شغلتها التفتيق
تكتب له جواب
وع النيابة ومحاكمه
وتقول حاكمه
ما دام بلدنا بلد بكمه
عاش الكذاب
غير الصحافه ما تهول
بقي وتاول
وبعد ما الكذاب يطول
تطلع في كتاب
لكن يا مصر حييحي اليوم
ويطير النوم
وكل ظالم أو مظلوم
حيكون له حساب

معتقل القلعه / ١٥ مايو ١٩٦٩

بيان هام

هنا شقالبان
محطه اذاعه حلاوه زمان
من القاهرة
ومن كردفان
وسائر بلاد العرب
واليابان
ومن فنزويلا
واپضا ايران
ومن أي دار
او بلد مستباحه
بفعل السياحه
مع الامريكان
هنا شقالبان
محطه اذاعه حلاوه زمان
نقدم اليكم بكل اللغات
مراسح وسيما وجميع الفنون
صحافه ومناير
وتليفزيونات
وخطبا ف جوامع
وجبنه وزيتون
ونفزع ونركب جميع الموجات
ونبحث ونفهم
في كل الشئون
واديما نطلع في كل الحالات
ولا حد سامع
ولا يحزنون
وتسمع ما تسمع
دا ما يهمناش
لان احنا اصلا
بناكل بلاش

فخليك في نفسك
وما نخيلناش
نسلط عليك القلم
واللسان
هنا شقليان
محطه اذاعه حلاوه زمان
بسر الاذاعه
وما يسركوش
بهذي المناسيه
وما بندعيكوش
نقدم اليكم
ولا تفرشوش
شحاته المعسل
بدون الرتوش
شبندر سماسره بلاد العمار
معمر جراسن للعب القمار
وخارب مزارع
وتاجر خضار
وعقبال املتك
امير الجيوش
ما تقدرش تتكر
تقول ما اعرفوش
ما تقدرش ابضا
تقول ما اسمعوش
شحاته المعسل
حبيب القلوب
يزيل البقع
والهموم والكرب
يا نفس
يا فين
يبلغ حبوب
ويفضل يهلفط
ولا تفهموش
وتفهم ما تفهم

دا ما بهمناش
لان انت فاهم
وعامل طنناش
ح تتكر وتحلف
ح اقول لك بلاش
ح تتعب دماغنا
وتتعب كمان
هنا شقلبان
محطه اذاعه حلاوه زمان
لان المخبي ظهر واستبان
وكل المسائل
بدت للعيان
وظلعت حكاوي
ونزلت كمان
عن التهريبيه
وعن كيت وكان
وعن محسوبيه
وعن العيان
ظهر في المدينه
كانه الطوفان
وغرق مراكب
وسوح غيطان
وبعض المراكب
ح تغرق كمان
وازمه مساكن
وازمه امان
وعالم بياكل
في عالم جعان
وربحه مؤامره
في جو المكان
مخطط خيانه
مع الامريكان
لدبح العشيره
وحرق الجيران

وفيه ناس بترغي
ولازم بيان
كما ابليغونا
جميع الودان
لهذا وذاكا... وتكلم كمان
نقدم اليكم
عروسه وحصان
شحاته المعسل
وهذا النيان
هنا شقليان
محطه اذاعه حلاوه زمان
بسم الله
سلام عليكم

وسلمون وموز
واما المسائل
فهنجف ولوز
فيا اخوتي
ويا اخوات
اليكم بياني
كما هو ات
جميع المسائل
تمام التمام
وكل الكلام دا
مجرد كلام
قصيرا جميلا
ولا تفلقوش
وشغل الضغايين
انا ما اقبلوش
ما فيش أي حاجه
على الطلاق والعناق بالتلاته
ما فيه أي حاجه
وقدر كمان ان فيه أي حاجه
ما فيش أي حاجه

ما لوش أي لازمه الكلام
واللجاجة
وعيب ان عيل يسوق السماجة
ويعمل ديباجة
انا بطبعي ضد السماسره الكبار
بحكم المنافسه
وحكم الجوار
لكن مش ف طبيعي
اناعمل فضيحه
لو احد زميلي
هيش كام صفيحه
ما كل الزمايل
بتهبش صفايح
وكل اللي جاي
مش زي اللي رايج
فيا ايها الشعب
صهين تفعلص
مساء التتفس
مساء الرويح
اخويا الامير يزربط الايراني
بعث لي السنه دي
عزمني ودعاني
انا قبلت طبعاً
ورحنا العزومه
وكانت وليمه
ما تحصلش ثاني
دا ايه المحمر
وايه المكم
وايه المشمر
وايه الصواني
انا دماغى تعب
ولفت صراحه
من الفخفه
واهنا الاصفهاني

هناك يعني مثلاً
إذا شربت طافيه
تمز بكوارع
ويسطرمه ضاني
ما شفتش هناك
ناس يتحقق عليهم
ولا ناس يتشتم
فلان الفلاني
لانه اشترى عزيبتن
من شطارته
وحكمه ادارته
وطلع مباني
ويعد الواليمه استلمنا الهدايا
مفضض
ومدهب
وقز وقيشاني
وطبعا اخويا الامير
قال لي حاجه
ح اقوالها لكو طبعا
اذا الوقت ناسب
ح تطلع لي عيل
بدون أي حاجه
ويعمل لي فلحس
ويقعد يحاسب
دا حقد اشترأكي انا ما اقبلوش
ولو هو ابني انا ما اعتقوش
كلام عن سماسره
كلام عن دعاره
حاجات مش صحيحه
جمل مستعاره
وعايزين يخلوا البلد
اردغانه
وعايزين اسيب البلد
من زمان

وانا مش ح اسلم
واسيب الامان
ولا بالبوليس والنيابه كمان
فيا ايها الشعب
كمل جميلك
وصبرا
واذلم حتيجي المصاري
وتاكل وتشرب
تبع ما ياتييك
وتغرق في بحر العبيد والجواري
وترسم حياتك
حسب ما يرانيك
وتملا الحوار
فساقي وقصاري
تسبح بحمدك
وتشكر جميلك
وفضل الزباله
وطفح المجاريه
ختاما سلاما
واخر كلاما
ضرورا
يسود الهدوء والوثاما
فماذا والا
ح طريقها واللا
اهرب فلوسي
واسافر قواما
سلام عليكم
وسلمون وموز
بصفتي رئيسا
وابا
وجوز

نواره بنتي النهارده تنقي
بتخطي عتبه
ليوم جديد
يارب خلى
يارب حافظ
يارب يارك
يارب زيد
يارب كبر
نواره تكبر
وتبقي أكبر
فى كل عبد
لا كل جمعه
لا كل يوم
لا كل ساعه
لا كل لحظه
تقول وتخطي
وتزيد نياحه
وتزيد ملاحظه
وتخطى مصر السعيده بيهم
ويبقوا ليها
وتبقي ليهم
غيطانها جنه
وترابها حنه
والنسمه خمره
ف قزازة حمرا
والنيل نجاشي
ما فيش ما جاشي
تملى بيجي
أخضر مليجي
دايما يوفي
دايما يكفي

كل الخلايق
يصبح صباحه
فلاحه يمشي
على شطه عايق
والدنيا صافيه
والجو رايق
ما فيش معاكسه
ما فيش مضايق
ما فيش عساكر وقهر ثاني
كل الاماني بقت حقائق
يارب وفق
يارب وأفق
يارب ريد
واكتب عليهم
في كل لحظه
فرح وعيد
بسكوته بابا
حاضر يا ماما
وتقوم تدوسني
عشان تبوسني
وتنام في حضني
وتقوم ف حضني
وتعمل عمله
وتملا حضني
الله يجازي البعيد شيطانك
حماره كلبه
مش عيب يا ماما
كده البيحاما
مش بابا قايل
وماما قالت
من طول ما حطت
وطول ما شالت
ساعه ما تبقي الحكايه
كخه

بقولوا إا ح
 قوام يا ماما ؟
 بسكوتة بابا
 بسكوت في عينك
 ما فيش معامله
 بيني وما بينك
 باللا امشي قومي
 حماره كلبه
 باظت هدومي
 ماتقومش طبعاً
 ولا أي حاجة
 وكانه مثلاً
 ما حصلش حاجة
 تقعد تكلضم
 وتلوي بوزها
 وتتجاهلني
 كاني جوزها
 خاصمك يا بابا
 ماتكلمنيش
 طظ ف عظمتك
 ما يهمنش
 ديتها بوسه
 أو تهشيكاته
 أو بسكوتاه
 أو بمبوناه
 حتسوقي شغل النداله طبعاً
 وتروحي جارة الكلام معاً
 وبوسه بابا
 أدكي بوسه
 سكر يا بابا
 تديني بوسه
 كده اصطلحنا خلاص يا بابتي ؟
 كده اصطلحنا يا نواريه
 مش دي الحكايه

ولا انتي يعني
 لا
 يعني أيه ما تخرفيش
 دي تقي يعني
 الحكاية يعني
 ملعون أبوكي
 ما تاخذينيش
 لو كان في قصدك
 أو ربع قصدك
 أو كنتي حتي
 ما تقصديش
 ان انتي يعني
 خاصمك يا بابا
 ح تخصصني
 أطلع ما فيش
 أبوكي أبوه
 ما كانش حاجه
 لكنه حاول يعيش لحاجه
 وجيل أبوكي
 كان يعني حاجه
 وجيلك انتي
 حبيقي حاجه
 ومصر تقي النهارده حاجه
 ويكره حتما
 حتبقي حاجه
 وأي حاجه
 وما تكونيش حاجه
 إلا وسببها
 في الاصل حاجه
 ويكره لمن
 قمر كويطلع
 والشمس تسطع
 فوق كل حاجه
 حتقولوا

كان في المكان دا ناس
فيهم طيابه
فيهم حماس
وفي الحماس
بعضش عباطه
وكانوا اخر الامر
ناس
وكان زمانهم سجون
وكانوا
ما بين سجونهم وامريكا
وبين ضباب الطريق حياي
ما حد قادر يشوف مكان
حتقولوا كانوا
ويا ما كانوا
ويا ما كانوا
ويا ما شربوا
ويا ما عانوا
ويا ما جالهم
ويا ما جيلهم دفع
وكان التمن أمانه
ويا ما ناس في المسيره
مشيت
وناس ف نص المسيره خانوا
حتقولوا كانوا
لكن بيقى في الامر حاجه
ان اللي عريد
ما سابس حاجه
وساب كلابه
على كل حاجه
تهيش وتهيش
في كل حاجه
ما قدرش يقتل في أي حاجه
روح التفاؤل
بكل حاجه

القاهرة / ١٩٧٣

محلا القصايد

محلا القصايد
في الشدايد
والغنا
محلا الكلام والحب
أوقات الشقا
إحنا إللي تهنا ع الطريق
من بعضنا
متفرقين
والسجن هو الملتقى
آه يا رفاقه
من متاهات الطريق
لما الليالي بيتخفق فيها القمر
يمشي الصديق في الظلمه
بخبط في الصديق
والسكه بنت الخطوتين
تاخذ سنه
إحنا النهارده فين
وكام
وبكره كام
وبعده فين
وبتنا إيه
صحبنا إيه
وكنا فين
بقينا فين
في كل يوم بنزور مكان
وكل يوم بنزيد عدد
وكل يوم نفتح ببيان
وكل يوم بنزيل سد
وكل يوم يطلع بنا
وكل يوم بنزل هدد
وكل يوم نحبل غنا

وكل يوم نولد مدد

جوا السجون

برا السجون

إحنا كده

لازم نكون

محلا القصايد

في الشدايد والغنا

محلا العيدان الخضر

في الريع الخراب

إحنا إللي تهنا ع الطريق

من بعضنا

متجمعين

بنخط كلمه من كتاب

ملعونه قامه تتحني

بالقهر

من حاكم

وخان

ملعونه كلمه تتنتي

في الحلق

تهرب م اللسان

ملعونه ساعه

تتحسب م العمر يفنيها الخضوع

ملعونه لقمه مغمسه بالذل

ملعون الجبان

آه يا رفاقه

يا للي علمتوا الصلابه

للحجر

بائده لكم وسط الرتابه

والكأبه

والضجر

يا مقربين الفجر نوره

ومطلعه

مدوا المسامع

في المجامع

واسمعوا

صرخه مغني الحي من جوف العدم

اتجمعوا

اتجمعوا

اتجمعوا